

國家圖書館分館編

清代孤本方志選

(第一輯第二十八冊)

福建

長泰縣志〔康熙〕十卷

序

泰自南唐建邑歷宋元至明
初幾六百年尚未有志至嘉
靖間南海張君始創爲之甫
起草以榮擢去業未竟廬陵
蕭君至乃續成之於是邑之
山川人物風俗財賦與夫政

治之得失建置之廢興俱載
簡策俾後來者得考鏡之以
爲勸戒稱曠典焉然而天道
日新人事踵起又五十餘年
瑞安方君南陵管君復取故
牒而增益之而張蕭二君之
薪傳賴以不墜閱今又八十

年矣逢

國家鼎建百度維新而潤色修
明之功闕焉未講使遺徽懿
範遏佚而不光湮沒而莫考
豈非後人之責乎珏不敏承
乏伊始卽疊承

憲檄博採下邑風謠上之太

史以成

大一統之書適丁其時又曷敢
緩因諮詢掌故前令貧君曾
敦請邑紳詞林葉先生孝廉
薛林葉三君博士何君明經
胡君暨諸庠友開局於
啓聖祠後授簡從事未幾何

君遷去負君解組尚未成書
茲不敏仍舊敦請而卒業焉
書成不敏受而讐校之分爲
十卷從舊也至若刪其繁補
其闕俾八十年中山川如故
建置依然風俗之淳漓典禮
之隆替財賦之贏縮政治之

競練人才之消長忠孝節義
之流芳兵燹災祥之示警與
夫前賢宿彥之嘉修碩德麗
藻鴻文齊諸稗乘莫不櫛櫛
靡遺星日炳耀則葉先生與
其事諸君撽採襞績之勞爲
不可泯而不敏得其筆墨之

榮施真千載一時也其烏可
無一言以附於張蕭方管四
大夫之後竊以志則成矣生
斯土者前人之遺澤猶存吏
斯鄉者往哲之芳型具備高
山在望景行維勤雖未克至
心嚮往之不敏竊以之自勗

若夫敦詩說禮士有美稱力
穡急公民多善俗建炎舊志
班班可考至於樸斲而雕儉
溢而侈萬曆甲辰之志管大
夫筆之不勝有江河之懼焉
則頽而激之訛而易之先民
是程大猷是經頴與諸君吾

子共相勸勉焉庶今後之載
筆者追溯今日更絃之化與
建炎之淳美婉隆豈惟不敏
之光抑亦邑先生人士之光
也不亦休哉

康熙二十六年丁卯夏知長

泰縣事三韓王珏撰

秦淵事三韓王狂野

鼎烈二十六平丁卯夏映昇

山不亦朴哉

之失林亦母求土人士之失

喪炎之郭美欽劉豈計不施

筆蒼蚩臆今日更錄之外與

千其卧嗜較焉漁今錄之薄

長泰縣志嘉靖前序

僉事王時槐

濟南道

長泰自南唐置邑迄今垂六百年而舊未有志前令嶺南張子傑夫蒐輯未竟轉官去廬陵蕭子廷宣來始畢力採故牒訪遺老按城圖稽風謠核往蹟質諸鄉士大夫而授簡于邑庠博士弟子使纂綴草成躬校之爲志者十二而邑之輿地食貨官室學校祀典秩官選舉人物藝文則粲然備矣蕭子謂予請序之予素不工文且未暇也踰年請益力予乃進而語之曰志何爲者也夫爲邑者其譬諸爲家乎家有父焉則縣令是也有子焉則民是也夫愛莫切

於鞠子故撫摩之資業之指導之閔閔焉惟懼其不生且成也幸而生矣成矣尤懼其後之無所據以守吾貽家之物而一旦或蕩然以窮也是故筆之于籍焉農桑必紀其豐瘠室廬必紀其廣袤絲粟錢帛必紀其奇贏噐貨臧獲必紀其名數廟寢墓墜必紀其卜兆舟車販易必紀其饒置將使後之子若孫執是籍而衣食生植永賴此創家之甚艱難而貽謀之最勤切者所必有也嗟夫通於此則爲邑思以保民而志所爲輯者其亦猶是而已且夫輿地食貨民所依以生且養也官室學校民所恃以安且教也祀

典秩官民所藉以衛且理也選舉人物藝文民所待以振
起宣耀也盡舉而志之豈徒以備彌文耶將吾民生養樂
利之具非此焉莫考故一志闕是射失的駕脫輻非命中
致遠之道也一志成是揆日之於表候氣之於律固依託
憑籍恒必由之也夫長泰當漳之東偏視他邑差狹重以
連海爲孺邇年島夷未殄徵戍責餉之檄聯絡相望於道
長泰之民蕩然窮盡矣今志則成矣必何術以生養樂利
之乎不然是爲父者家四壁立矣而徒倚空籍以示子若
孫豈得爲善貽後者耶噫繼今來令是邑者尚永念于茲

則是志乃不爲徒成也已

嘉靖志後跋

知縣蕭廷宣

嘉靖戊午冬長泰志脫稿授諸梓先是邑之薦紳咸以此
典上下數百年曠然不舉茲業一旦成之願丐太史筆一
言以徵文獻于不朽宣不自分於是力請于當道塘南王
老先生蒙可什玉于簡端暨前任陵山張君亦自戶曹屬
辭後附焉宣若無容喙者然文以足志是志余翻訂頗詳
若徒諉諸商輟一辭弗贊則何以見意矧泰隸漳郡版圖
雖尾諸邑之後而其中之髦俊後先相望首以文章魁京

闡甲天下次以事功顯當時在全漳且稱右出顧志獨闕
焉其曷以觀人文以成化哉是錄也創始則張君凌山協
贊則邑博朱君素庵徐君充齋黃君龍白樂成于何君澗
松陵君西橋彙編于蔡葉董王四岸生之手余初蒞泰獲
閱之其間不免因訛襲謬猶爲草創復携其抄付經元王
君屏江考實而修飾之余於公餘少用裁定焉由是輿地
食貨有紀宮室學校有條祀典兵政有章以至秩官選舉
之無弗載人物藝文之無弗詳他如事類弗齊又以雜志
終焉一按籍而人文煥然備矣噫泰之治理雖不盡資於